

I TSANSON D'ELISE

Prumië e mejjon, prumië e erdjë.
Fajèche vin, fajèche bije,
I hlotchiè d'a noutr'élije
Vèle chu no coume oun berdjë.

A! k'iron bèe hlë demindze!
Oun voijeï bâ chin deragnië,
Riban blan, châte di frindze
Po confechâ o cumunië.

En hla né pèrcha de Tzaende
Partion tchui at'o falo
Tote e hlartéh fajan de ènde
Cho'a nei p'e crete e p' e hlo.

I prosechion de Tsandcoeuja
Oun bio torin de foà d'o
Arma parte méh oroeùja
Can bourle i tsandèia di mo.

I penetinse de carèima
Pachâe chin dh'indebetâ
En préin méh kië de coutuma
Héhpèli poajeï chin arretâ.

De fourtin pe hlë dzorete
Oune poajèi bretchiè de ran,
A rampâ maton, matete,
Ato chin partion grau!

A chin Djan e a Chin Péhro
Aviaon tchui de hloeu bio bâ
Kiëneau tan kië di Chèbro
Pe to o canton, amu e bâ.

Pe hloeu maèn, mate et matète
Ato de brachiè de bokië
Hlurion grandze et grandzete,
Etatchiéon p'o okië.
Et fita d'ou? Ouna repoeuja
Entrimië di fin e di blâ,
Tu fajei e bugnië, serioeuja,
Entenchion de pa achië dzefâ!

Can oun aei decroja e terre,
Kië furnie i gran cheijon
Oun mouje apréh chloeu c'oun entière
E kië chon pa méh à mejjon

Ou che cheintéi a cou to chambro
En hla né grija d'â Tossin!
E hlatze no dejan o nomgro,
D'aeutrë mée e d'ocatrë sin.

De tchui hloeu kië repoeujon
Dejo tote hlë crui de bou,
E djà ora can oun croeuje
Oun n'en true pa méh k' é j'ou.

Can Ôn'aei pachâ a buiri
I aei rin po féhre pui
I bon Diu no j'attendei.

Falie ouvouèdre à porta hloucha
E tsantâ en bon patoè
A béa piâ pleine de foè

Che di Bôrne